

羅陽朱氏家誼

甲戌三月

陶遺



卷之四

上海图书馆

登记号码

00914213



科舉表

羅陽支

舉人

朱慶昌

清道光己亥恩科

朱慶紳

清道光己酉科

朱燾

清咸豐辛亥恩科

朱詒泰

清光緒乙亥恩科

貢生

朱承禧

廩貢生

朱日淦

廩貢生

朱之浩

廩貢生

朱慶恩

咸豐辛亥恩貢

朱詒泰

同治恩貢

朱世臣

光緒庚子恩貢

朱世增

廩貢生

朱世珍

光緒戊申歲貢

朱世庠

廩膳生

增廣生

朱登書


嘉慶庚辰姚歲試補

朱燾

道光辛丑毛歲試補

朱元勳

咸豐庚申孫科試補



朱世鈔 光緒辛丑 李歲試補

附生 嘉寶由雍正五年分縣自方皓起 歸人寶庠以前皆入嘉庠

朱勳 明庠生入 學失攷

朱邦典 明庠生入 學失攷

朱邦治 明萬歲歷試 巳饒歲試

朱應選 明萬歲歷試 亥陳歲試

朱邦彥 明萬歲歷試 子熊科試

朱珍 明萬歲歷試 辰王歲試

朱璣 明天啓歲試 亥孫歲試

朱斑 明崇禎辛未 李歲試

朱琨 明崇禎庚午 李科試

朱晉昭 明崇禎壬申 甘歲試

朱晉鼎 明庠生入 學失攷

朱珩 明崇禎丙子 倪科試

朱璜 清康熙甲戌 邵歲試

朱震蕃 清庠生入 學失攷

朱孚魚 清庠生入 學失攷

朱孚鶴 清庠生入 學失攷

朱戴民 清庠生入 學失攷

朱方曜 清康熙丙申 林科試

朱方皓 清雍正己酉 鄧科試


朱鐘勳 清乾隆戊午 張科試

朱綸 清乾隆辛未 莊歲試

朱大彥 清乾隆甲辰 謝歲試

朱任仁 清乾隆丁未 沈歲試

朱日淦 清乾隆辛亥 胡科試



朱登書 丑清乾隆癸試

朱之浩 寅清乾隆甲試

朱承禧 寅清乾隆甲試

朱遵模 辰清嘉慶丙試

朱學成 未清嘉慶己試

朱夢良 戌清嘉慶壬試

朱岱宗 辰清嘉慶戊試

朱蔚宗 巳清嘉慶己試

朱慶恩 亥清道光乙試

朱成源 亥清道光乙試

朱慶昌 酉清道光乙試

朱慶榮 辰清道光壬試

朱燾 巳清道光癸試

朱昌杰 巳清道光癸試

朱慶中 戌清道光戊試

朱慶紳 丑清道光庚試

朱詒祚 戌清道光庚試

朱詒泰 戌清道光庚試

朱元煜 戌清道光庚試

朱元勳 卯清咸豐乙試

朱詒疇 巳清咸豐丁試

朱詒穀 未清咸豐己試

朱詒祥 寅清同治丙試

朱詒乾 補清同治丙寅鮑試

朱詒晉 寅清同治丙試

朱詒甲 辰清同治戊試

朱詒福 丑清光緒丁試

朱世臣 辰清光緒庚試

朱世瑞 申清光緒甲試

朱詒璋 庠清光緒己丑由上海試

朱世庠

清光緒乙未龍歲試

朱世賢

清光緒乙未龍歲試

朱世增

清光緒丙申龍科試

朱世鈐

清光緒己亥瞿科試

朱保鴻

清光緒辛丑李歲試

朱保元

清光緒辛丑李歲試

朱世鵬

清光緒壬寅李科試

朱世望

清光緒己巳唐科試

侑生

朱元勳

清咸豐辛亥青科試

朱世瑞

清光緒癸未黃歲試

朱詒緒


清光緒丁亥王科試

朱世盞

清光緒己巳唐科試

朱世全

清光緒己巳唐科試



科舉表 崑山支

進士

朱棨 明成化 辛丑

朱隆禧 明嘉靖 丙戌

朱世節 明萬曆 己丑

會副

朱旻 明正統 乙丑

朱景玄 明崇禎 庚辰

舉人

朱旻 明正統 甲子

朱大棨 明成化 丁酉

朱隆禧 明正德 己卯

朱世節 明萬曆 乙酉

朱世芳 明萬曆 壬午

朱應麟 明萬曆 戊子

朱景玄 明天啓 甲子

朱國輔 明萬曆 乙卯

朱奇玉 清康熙 辛酉

朱鈞 清乾隆 己亥



貢生

朱應鯤

明萬曆戊午副貢

朱奇胤

中順治朝副貢

朱世揚

吳郡廩貢

朱臣

辛卯歲貢

朱謀

吳郡廩貢

朱孔揚

朱弘詒

癸未歲貢

朱大傳

清乾隆甲戌歲貢

朱立誠

癸巳歲貢

朱紹成

清光緒戊戌歲貢

朱裕穀

清光緒己酉拔貢

增廣生

朱應鳳

朱國望

朱省曾

朱晉

朱肇淦

朱紹成

朱裕原

附生

朱昇

朱拭

朱沂

朱紱



朱 纓

朱朝元

朱隆禧

朱元禧

朱全禧

朱 璧

朱世揚

朱世忠

朱世濂

朱世孝

朱世節

朱世登

朱世盛

朱世英

朱世臣

朱世芳

朱應電

朱起龍

朱應麟

朱鳴鸞

朱應鵬

朱應駿

朱祚泰

朱 該

朱應鳳

朱嘉禎

朱景玄

朱國翰

朱國輔

朱國望

朱國榮

朱國傑

朱 臣

朱 肅

朱玉書

朱國軾

朱兆熊

朱培德

朱風穆

朱大治



朱大經

朱堪

朱湛

朱諶

朱斟

朱莊唯

朱弘詒

朱易

朱名盾

朱壽增

朱立誠

朱毓忠

朱台衡

朱慶將

朱敏

朱華平

朱華

朱萼

朱純嘏

朱錫嘏

朱殷寶

朱湯孫

朱曾傳

朱祖烈

朱鳳霄

朱復光

朱克章

朱成

朱漑

朱元城

朱元載

朱廷燦

朱道曾

朱省曾

朱壽曾


朱文曾

朱璘

朱珣

朱球

朱璠



朱 鎔

朱 晉

朱 鈞

朱 鑑

朱映櫛

朱映孟

朱映台

朱映釗

朱孔揚

朱慶淮

朱慶澤

朱肇容

朱肇淦

朱大椿

朱鳳梧

朱大綸

朱章成

朱紹成

朱功成

朱勳成

朱點成

朱裕原

朱裕穀

學校畢業表 羅陽支

朱世全 法國巴黎法科大學 畢業得法學士學位

朱世增 日本明治大學 學法科畢業

朱保邦 交通大學鐵路管理科 壬戌級畢業得碩士學位

朱保秀 交通大學 畢業

朱保雄 北平清華大學 畢業

朱世樑 國立同濟大學醫科 畢業得醫學士學位

朱鍾壽 上海文治大學 畢業

朱保元 上海龍門師範 畢業

朱保錫 寶山縣學堂 畢業 上海理化專修科 畢業

朱保祐 江蘇省立第二 農業學校 畢業

朱保章 上海民立中 學校 畢業

朱鍾符 江蘇省立第 四中學 畢業


朱保穆 上海民立中 學校 畢業

朱鍾嶽 上海中華職業 學校 畢業

朱鍾憲 上海民立中 學校 畢業

朱保秉 上海民立中 學校 畢業

朱保康 上海中西 公學 畢業



旌表

孝子漸儀

乾隆二年丁巳奉旨旌表給帑建坊

坊在實邑黃號二
十圖三元橋東首

節孝紹聞妻申氏

乾隆五十五年庚戌奉旨旌表給帑建坊

坊在嘉邑黃號二
十一圖三元橋西

節孝錫珪妻王氏

嘉慶元年丙辰奉旨旌表

節孝履仁妻金氏

嘉慶七年壬戌奉旨旌表給帑建坊

坊在嘉邑黃號二
十一圖三元橋西

節孝遵模妻范氏



道
光
十
一
年
辛
卯
奉
旨
旌
表
給
帑
建
坊

坊在寶子邑黃號二
十圖孝子坊西首

貞節烜聘妻奚氏


道
光
二
十
年
庚
子
奉
旨
旌
表

貞節戴仁聘妻吳氏

道
光
二
十
年
庚
子
奉
旨
旌
表

節烈世琛妻嚴氏

光
緒
十
七
年
辛
卯
奉
旨
旌
表



憲獎

樂善行仁

兩江總督部堂那為燿立

濟物施仁

兩江總督部堂鐵為耕仁立

澤被鄉閭

江蘇巡撫部院林為文溥立

篤義完貞

道光六年丙戌江蘇督學部院辛為戴仁妻吳氏立

重擷芹香

咸豐三年發丑江蘇督學部院何為登書立

竹柏雙清

同治十三年甲戌江蘇督學部院林為嶸妻嚴氏妾徐氏立

清節芳型


同治十三年甲戌江蘇督學部院林為詒祿妻周氏立

清節芳型

光緒七年辛巳江蘇督學部院黃為元瑞妻席氏立

柏勁松貞

光緒十二年丙戌江蘇督學部院王為文溥妾錢氏立



噉日盟忱

光緒十五年己丑江蘇督學部院楊為世琛妻嚴氏立

一鄉矜式


光緒二十一年乙未江蘇督學部院龍為詒緒立

年高德劭

光緒三十年甲辰江蘇督學部院唐為詒緒立

巽宮耆瑞

光緒三十一年乙巳江蘇督學部院唐為詒泰立



鄉飲賓文學朱懷萱先生家傳

先生姓朱氏

諱

勳字懷萱高祖貽亭公明成化時自徽遷蘇之

崑山旋由崑山遷居練祁遂家焉父北橋公先生爲北橋公長

子幼失恃孺慕如成人及長侍父必盡其誠撫弟必致其愛孝

友敦篤有聲鬻序太倉王文肅錫爵家居慕先生之爲人以其

女妻先生第五子及文肅柄政不一往數舉鄉飲大賓力辭後

有司再三敦請始就介賓位生丈夫子五人長邦典次邦治出

爲弟後有學行世稱君平先生侯忠節峒曾黃忠節淳耀俱有

傳次邦教次邦彥次邦柱卽文肅女夫兄弟怡怡極家庭之樂

先生九世孫慶榮與浩爲同門友以先生事實見示囑爲作傳

君平公傳

朱仲子

諱

邦治其字曰君平眉目姣麗神宇復冲夷蕭洒與物

無競處家孝於親友於兄弟有古君陳風更善承事長者如我

先師沈玉麟夫子見其爲人愛之甚稱之曰之子也謙謙善下

人受長者教繼事太倉大成陸先生及西城沈公廷和皆愛重

之每比之漢黃叔度自幼勤讀所爲時藝亦恬雅姝秀類其爲

人年弱冠游庠出爲其叔思萱公後時或歸省本生父懷萱公

必終日言依依不忍釋其見愛於親也如此父事思萱公四十

餘年排難解紛蓋寒暑飢渴之不避幾以身殉公得免非法不

茶毒嚴吏手者皆君平幹濟力也所以思萱公亦時時自幸克

至

家有子也公性方嚴處家嗃嗃門以內畫地而步其內子管氏微忤意立遣之歸君平爲跪請涕潛潛而下終不許也思萱公卒君平迎管氏歸奉養禮有加所以兩家父母靡不嘖嘖稱君平至孝爲朱氏作人子範也其待兄弟行尤怡怡然曲有恩禮近世詩禮家莫之及卽有頑冥亦付之一笑閭左揖筆之民恃其老悖曾以無根蜚語媒蘖君平於上官上官偶不察幾坐之獄後上官躬自訪緝知君平謹言慎行人也遂敬禮之他日對客曰幸爾時不於法外難爲渠否者冤一善人悔之無及矣王簡平曰此吉人天祐大獄自解也他日有事往留都至大江天忽下重霧南北冥迷舟人不知去向乃大風掠其舟入海門舟

人夫婦齊聲叫天乞命君平自分幾不免仍端坐曰惟江神生
死之忽有長臂從上流挽其舟乃呼曰從此去可生風忽從舵
樓後吹不半日日高煙散乃在鎮江甘露寺下君平登岸禮佛
見佛座下畫上圖觀音大士伸長臂救溺人於風浪中與向來長臂
挽舟狀無異乃再拜禮佛而出議者曰作善於幽雖遭巨厄天
必佑之君平之謂也君平年近七十下世有六丈夫子語云不
知其人視其後君平後人俱彬彬有禮且將以詩書大其家則
君平之善後昆其左券也

同邑王道通撰

文學朱君平傳


吾邑朱氏自北城徙居羅溪者爲著姓五世而爲君平君乃以篤行君子特聞諱邦治字士偉君平其別字也少好學博涉今古明大義故其立身行事多可爲末俗法父懷萱公而爲從父思萱公後咸克子以竭力稱懷萱公性惇大思萱公少下厲焉君明養老之學事之皆如其心思萱公有負俗之累鄉里兒時思中以非法君爲弭隙無不至而不使人知其繇亦不使親得聞思萱公後娶管孺人小忤意立遣去君固請不許則號泣從之私盡養於其家久之復固請以歸又不許則養之如初思萱歿而後迎養焉居喪哀毀如禮所事凡五母皆無間言嗟乎爲

人後而如此以世俗之所爲視之可不謂難者歟君兄弟五人
有任俠輕財而蕩業者有跣地召侮者或貧不能終事者所以
匡德排難給財而代力者甚至事其身事以及從子咸推恩焉
又能急人之急聞之死喪厄難奮不顧身拯之如恐不及里中
貧困者及訟婚葬之事賴君得全者多有以故鄉人有言多求
直焉與人爲德或反怨竟亦不較一時難之少爲諸生所交多
當世知名士及其貴顯招要輒不往附義不干以私君可謂好
義而能守禮者也生平矜慎雖盛夏不衣冠不見人燕居衣不
重裘自奉甚儉子弟上膳少豐必頻蹙戒撤去恆以子瞻一爵
一月之訓爲規讀書工琴弈率寓意不留老精於內典善飲酒

雖多益清明蓋老而漸疏也可爲儒者之風嗟乎事親孝兄弟
友持己慎與俗和臨財廉見義勇以若所聞君殆兼之矣乃負
學不遇獨不施於時其亦重可惜哉夷攷其事皆今之人所聞
而宜愧者又可使其泯焉而無聞乎君有五子曰琨曰珩游於
子門以君狀來亟請予傳之遂書其大者以遺後之人

同邑通家侯峒曾撰文

千四以昏寒來通商于朝之教告其大者以嚴禁之人
 而宜軒者又與對其別議而辨附平魯許正平曰取曰清漸效
 學不嚴識不誠欲知其本意而審其始末其意者今之天所同
 式許曰與與得林樹祖難其義與以言附而後後與之矣以與
 與參各詳其意參以所論也而論論者之取與平本諸家與



朱君平先生家傳

友人朱行節兄弟既葬其父君平先生復集比先生之行事以求能爲文詞者而傳之其言曰世之爲人子者莫不欲傳其親顧親不可以飾而傳譬諸繪親之像朝夕事之像與毫髮之不一卽子之心不安獨於吾親之行有不及者而爲虛美以飾之則是以不似吾親者爲安也珩之述吾親也惟其似之而已予聞而韙之爲掇其大略作朱君平家傳先生名邦治字士偉號君平嘉定之羅溪里人父某生五子先生其次也幼出爲叔父某後敏而好學宿儒沈玉林號爲能抗師法從游者常數十人先生年十二爲入室弟子弱冠補學官弟子員往來婁東鹿城

梁溪之間一時賢士大夫皆自以爲不及嘗深入七十二峯雪
月之夕正襟危坐山中人望而異焉於書博覽強記尤精春秋
內外傳莊列馬班諸書解剝脈理分判節度每灑灑爲人道之
獨不喜爲章句之學屢試京兆不第意泊如也姚江朱憲副少
與先生同學先生弟畜之旣貴延致先生於官所嘗誤論一死
囚先生適見案牘爲指示失入處憲副大驚立出之先生終不
告所出者以故惟舉以戒子弟曰人命至重爾曹他日居官慎
不可忽其爲德於陰皆此類也事所後父母本生父母皆竭力
孝道葬祭儀節一準朱子家禮遇諸弟有恩見人有急如赴焚
溺未嘗以力不足爲辭晚年誤爲邑令所銜欲中以免法拮據

無所得乃榜諸衢曰訟朱生者投牒過三日竟不得一牒令慚
且悟曰朱生善士也待之加禮焉卒時年六十七先生爲人莊
敬樂易雖盛夏見所狎客未嘗裸袒子弟有逆旨者微示以意
悔謝卽止人方萬石君也

贊曰今世所號爲傳人率皆指仕宦有聲績及繡其鞶以爲文
詞者宜先生之名不出於邑也然史稱黃叔度比於顏子而言
論風旨無所傳聞僅取荀淑郭泰諸人相推許之言以爲徵驗
而已夫宗族鄉黨兄弟朋友之間孔子所以取士也若朱生者
孔子之所謂士矣哉

同邑黃淳耀陶菴氏頓首拜撰

Faint vertical text columns, likely bleed-through from the reverse side of the page.



朱君平先生哀辭

朱君平

諱

邦治字士偉別號君平嘉定之羅溪人者羅溪鉅城

東二十里許平原曠疇村居多園林竹木森秀雅可避塵囂故
多隱君子之廬焉朱之卜築於此以耕讀有家至君平公蓋五
世云公少時性敏異卯角便能文凡先生長者一見咸器重之
嘗負笈讀書天池精舍攬西山諸勝瞰震澤之浩瀟愜然有太
史公徧游天下之志然鬱鬱諸生鉛槧不克遂其遠大以儒冠
終畎畝可悲也雖然瞻顧東壁丹黃滿家以此遺後人我志可
不沒恨可不飲矣居恆教弟子必先孝友太和溢庭除而終無
嘻嘻不率態雖以仲子出爲人後其服勞奉養以至飲含葬埋

始終子力是竭儼然兩庭闈也而本生產薄厚概置弗問以視
世營爲人後得此覲彼兼之以自肥甚則構怨不卹傷及泉壤
者聞公之風赧然出泚已公一生多慷慨厲氣節自族屬以及
朋讖空乏公周之死喪公問之無論親疏內外一藉其經營無
不可排之難無不可解之紛君子尙其德小人服其義沒世不
忘良有以也公晚年以林泉自娛寄情琴奕修竹灌花之暇誦
詩書至老不倦性尤好客遇相知故舊擷蔬菓盡歡不投轄不
止羅溪士人多好義雅尙風裁至今後生髦俊濟濟緝緝咸頌
公之流風服教不衰此豈襲取旦暮爲過情之聲聞與其涸可
立待者同日而語哉余同年友王內三公婿也爲公誌世系行

誼極詳且盡又吾友黃蘊生與侯廣成爲之家傳故爲詞以識
予哀慕之思附三君子之末以垂公於不朽乃爲其詞曰士有
此志兮天莫可違潛德旣彰兮命莫能摧相彼羅陽兮龍臥睽
睽吁嗟先生兮羽鍛遲遲嘯傲王侯兮徜徉夕暉左琴右書兮
迪攬前徽長劍不鳴兮短褐自悲撫松盤桓兮流觴樂飢澤貽
閭里兮閱世彌思訓修來葉兮百禩攸師吁嗟先生兮天違其
碑後昆加耀兮石泐文巍

遜衲塙宗前陸坦氏拜手敬題

書君平公先生誌傳贊辭後

嚠邑僻在海隅人傑間出項背相望隆萬以前弗具論卽權束髮有知閱歷四十年中其爲道德文章氣節之士抑何磊落而英多也羅溪距邑治二十里許朱號望族至五世而有君平先生恨權往來嚠城有金蘭秦晉之好而獨不獲摠衣奉先生之顏色近遭喪亂而先生季子行節來吳門始班荆定交焉行節出先生不朽諸文詞以示權盥手受而讀之儼如覲先生之容而侍先生之教也先生既有館甥王進士內三爲文以銘其兆域而又得侯納言廣成黃進士蘊生兩名篇以傳之此兩公者乃今日之睢陽常山也於枌鄉梓里得此不可多見之鸞鳳以

爲百世表章之攸賴豈非先生之精神實有以取之哉况兩公
人倫模楷素不作諛人之言繇其無諛人之言而獨傳先生則
先生之傳皆實錄矣嗚呼世衰道微典型不作死國難者既有
侯黃諸君子其未死而不墜厥志尙有旅餓固窮之尹右王披
緇賣卜之陸履長而爲先生之贊爲先生之哀辭邇者行節自
嚻入郡惟是朝於尹而夕於陸也則知先生當日庭闈之訓所
以勉其子於忠孝廉節之途者更有諸公言之未逮闡揚不能
盡者焉而權特綴一辭以表著之蓋以先生之克樹不朽而令
子所以不朽其親者亦各見歲寒松柏之大意而不僅以惇仁
取義垂長者之譽於宗族鄉黨已也

萬峯釋隱虞權前姚宗典拜手識

書朱氏彙錄諸文後

庚寅秋余至嘉定朱行節訪余先族父玄鄉之家手一編示余曰先君君平府君有學行不幸不遭時無所表見顧辱諸君子見褒而賜之文詞彙錄得一卷遂因族父以請曰願得子一言繼其後族父與行節交厚亦爲之請甚力余覽之則有傳三篇像贊哀詞題跋四篇而狀誌不與焉余曰此之謂多矣又焉用余文爲旣不獲辭則攜是編以歸久之失去壬辰春遇梁溪友人於架上得之蓋辛卯歲余舍館其家偶遺之也因徧觀諸公文爲之傳者則故納言侯豫瞻先生故進士黃蘊生爲之哀詞者孝廉陸履長跋其後者孝廉姚文初其餘余不相識者毋論

此四君子者余嘗交之而悉其本末知其非妄譽人者也侯公稱君有儒者之風黃君稱博覽強記又嘗以一言脫一無罪死囚陸君稱其慷慨厲名節急人之困至謂其內行敦篤而不遇時而死則不謀而同辭姚君亦據三君子之言以爲非虛譽而又以行節操行修潔不妄交與歸美於君之庭訓余與行節僅一傾蓋未能知其人亦以姚君之信三君子者信其姚君之非諛而已余今以諸君子之爲人而信其文後之覽者則以諸君子之文而信君之爲人矣以此知人之立身不可苟而文不可妄爲也曾子固嘗言欲表章其先世必託之有道德能文章者而後足以傳若四君子其死者固日月爭光存者亦幽獨不愧

其皆足重而或兼長於文則足以傳君矣而余又以已諾之故
不憚其言之重詞之複君之名氏自是將遂有聞於後世而行
節之欲光寵其親不朽其親之意亦可以少慰矣君姓朱氏
邦治字士偉君平其別號嘉定人

壬辰冬十月岷山歸 莊

書朱君平先生傳後

士必待名位以傳士品所以日降也蜀鄭子真嚴君平湛冥蜚
逝而班孟堅史亟稱之視居高位而阿邑澳溷者其榮悴爲何
如哉自明歸熙甫講道安亭吾邑人士聞其緒論往往多敦品
勵行之儒若羅溪朱君平先生亦聞風而興起者也先生孝友
直諒不自表暴而宗族鄉黨信之又得侯黃兩忠節公爲之傳
兩公非輕諛者讀兩公之文固不待親炙其議論風采而可以
識先生爲端人正士矣昔唐之董邵南宋之巢谷特賴韓蘇一
言名著青史篤行如先生擬之董巢蓋無愧焉雖以補孝義獨
行之篇奚不可哉嘉慶五年正月先生六世孫寄園親家出此

册乞題肅然增桑梓之敬云竹汀居士錢大昕拜手書

時年七十有三

肅然增桑梓之敬云竹汀居士錢大昕拜手書

肅然增桑梓之敬云竹汀居士錢大昕拜手書

肅然增桑梓之敬云竹汀居士錢大昕拜手書

肅然增桑梓之敬云竹汀居士錢大昕拜手書


肅然增桑梓之敬云竹汀居士錢大昕拜手書

肅然增桑梓之敬云竹汀居士錢大昕拜手書

肅然增桑梓之敬云竹汀居士錢大昕拜手書

肅然增桑梓之敬云竹汀居士錢大昕拜手書

唐宋各平表也



冰懷公生前自述行略

練川之東十二里構居祁上者不肖琦嗣祖思萱公也本生鄉

飲賓懷萱公創業羅溪好行隱德遠近莫不稱之生五子三入

邑庠一游太學而琦本生先考君平府君其次也以序出嗣於

思萱公克肩厥家生琦兄弟六人琦居第五甫三歲叔父士銘

公卽抱而撫之稍長聯姻沈氏婚娶畢遂定嗣焉族有議琦論

序不應爲士銘公後者公因憮然曰蓄產於後所以爲子孫計

也使遺產而遺之以殃於我何爲自我有之不如自我捐之自

是不復理家政惟以行樂爲事不幾年間揮霍殆盡於是族議

漸息琦性落拓不知生產本生先考視琦如一分析產業不亞

於諸兄弟而諸兄弟篤於友于略無異同見但當糧重役繁之
時家道日替幸兩兄一弟相繼游庠而姊丈王內三庚午舉鄉
薦長甥公對己卯亦捷南闈家聲稍稍振起但琦終放浪無藉
學書不就業耕不成究爲廢人有姊丈唐子碩自幼莫逆直言
規誨始翻然悔悟急謀資身之策卜鄉不吉卜市吉初由鄉入
市僦居於羅之西里曾不見容於富戚賴族伯士芳公素稱長
者得復故業遂託跡焉然聲名未著蕭然困守者三易寒暑朝
夕惕厲安命俟時自此閩浙兩粵商友次第駢集薪水粗給廚
煙稍煖方思甘旨奉我堂上人詎謂本生考妣暨嗣考妣先後
見背終以盡未烏鳥之私風木抱恨其何以極甲申春滄桑頓改

時士大夫多杜門弢晦琦一介之夫尙具不忘君父之念奮袂

號呼遐邇響應旋聞王師翦逆遂退歸而流離失所幾被仇陷

久乃得釋琦早年艱於得子一子漸儀以姑息成習不任家事

得孫頗多半以痘亡長名孫新期種德以新我家室也已又孿生

兩孫尙未命名自念命涼德薄未知他日長育何如琦今年過

半百閱歷雖多不諳世法往往嫉惡太嚴憤時太過卽有受恩

圖報之事或不能委曲而見疑有熱心排難之處或過於激切

而遭謗此皆德薄不能感人所致惟是遇疏財之友而戴德未

酬遇下交之賢而感知有負誠沒齒不忘者也一生以朋友爲

性命知己相對則肝膽盡傾性嗜麴蘖得酒則浮大白不盡醉

不休素不知詩遇良辰美景信口放吟未嘗依韻叶律自謂能
得天趣偶醉酒三日不醒有燒斷羅溪大使腸句人笑之不自
覺也好圍碁與人對局必欲盡敵而後已曾與次甥孝廉翰臣
奕偶得勝算全三百六十一子一時叫絕兩人笑而墮地卽此
見予生平事事不如人事事恥不如人矜能賈怨無不由此 琦
字廷奇自號冰懷以熱腸足戒且不忘履薄之意也竊念從前
無一可狀乃墓木未拱輒先自狀者蓋欲稍存本末以示後世
子孫上焉者識吾意下焉者無學吾過識吾意則近正人遠小
人無學吾過則記人恩忘人怨此則余自狀之意也倘 琦早晚
溘露望當代名公察其志而銘之則余雖死且含笑於地下矣

廷奇小傳

余外舅君平朱公生六丈夫皆率家教孝友相先耕讀互用而廷奇兄則第五人也身度如晏子而綽有至性以立愛出嗣叔士銘公後士銘公以紅裙綠酒風情破家生養死葬無失禮於本生父母仍篤劬勞之報因業儒不遂去讀貨殖書信能致遠因之甌粵大賈戶外無停屢當作鐵門限待之可見操短不律向人求用徒自苦耳興亡之際君每義形於色此種種者至今根猶戟立且急朋友之事如己事以致忤俗蕩賞不爲悔偶有便緣爲鹽鹺使者予戲之曰此豈用汝作鹽梅地耶未幾又以不屑棄歸曰予甯食淡終身無用此爲也歸仍隱於市中理前

業不輟每作利濟事不以小善而弗爲年五十後又進一解得
老莊大旨與物無爭將來因年進德殆不可量曾以飲酒潰閑
幾殆及醒悔不遂劉伯倫終焉之志亦感憤所致居平與予相
對酒深耳熱問天夢夢未嘗不斗轉星移也君舉一子名漸儀
亦相與質遷有無以盡孝養而得孫必孿生南宮氏之祥信乎
不誣一日自持所爲生狀示予曰人生斯世枕上一覺耳予將
自言其爲人惟子亦知我之爲人盍爲予誌予笑曰毋乃太早
轉謂非予不達因泚筆而爲之傳君名琦字廷奇古人有第五
琦者君其是耶至朱丹其石他日自有人在不敢以放廢物無
端僭書淵明墓版數字也

足菴王泰際硯存撰

朱孝子序

悲哉人生遭際之慘孰有踰練川朱孝子者哉孝子尊人廷奇公卽吾吳所稱矜氣節重然諾不畏強禦不苟合取容斯世者也卜居羅溪里數年前與豪惡龐揚者杯酒間結睚眦之怨惡方懷恨於中後公又以左袒某致惡受笞公庭之上遂於庚戌臘月率兄弟子姪及羣不逞數十人白晝縛之都市自午至昏挺刃叢集不四十日告斃彌留之際諄諄以大復仇致囑乃所歷問官競效叔魚之鬻獄僅以龐揚瘦斃獄中之一子相償餘概從末減嗚呼孝子之冤從此不白矣念惟有制臺麻公素稱神察不憚胼胝金陵析^祈揭盆覆而麻公又以勘荒之命巡行各

屬不得已裹糧以從更歷千有餘里每下車卽匍匐呼雖鞭
捶交下弗顧也然精神所感左右訖爲動容詞凡十數上而麻
公亦首肯再三乃牒甫下而又爲有力者所尼沈寃究不得雪
嗚呼浮圖之矢空射秦廷之慟誰哀孝子自此日夜泣血搥胸
枕戈相向冀得一當以報先人地下乃無何而奸魄已遭陰譴
墨吏更罹鬼擊向日所爲金穴銅山化爲淒風苦雨天道好還
人皆爲孝子稱快而孝子初心終不改也新令陸公蒞任之始
又陳牒數十上陸公廉吏也雖以前案難更而心竊憐之嗚呼
孝子之用心良苦矣迄今壬戌之冬余偶過羅溪觀其狀貌終
若有不能舍然者殊足悲也乃說者猶嘖嘖以孝子不卽捐軀

爲憾嗚呼是又不揣時與勢之論也孝子豈眞愛惜身家置遺命於罔念罔聞者哉顧以老母在堂子幼成立未卜一旦挾刃往敵未可盡身下於理垂白之母必不能以天年終宗祧之似續莫可必也是所謂踟躕未決者也况龐氏不過一市井無賴非與有司枉法殺人者比此固國憲所得而問焉者也與其與爲俱劓何如留以有待之爲愈也蘇子之論留侯曰惟能忍乃其有濟其孝子之謂歟余旣悲其遇復悲其志聊題數言以附諸君子傳贊之末孝子名漸儀羽吉其字云

茂苑予對氏陸志揚撰

節烈錢孺人傳

附貢生朱鐘勳字昌舒妻錢氏太學生楷字元禮女也錢氏居嘉定縣外岡里朱氏居寶山縣羅店里兩姓爲兩邑甲族鐘勳善讀書未冠補諸生孺人則幼嫻姆教婉婉淑慎通孝經列女傳工於刺繡有針神之目是以朱翁景陶爲子聘之暨于歸敬奉尊章承順夫子中外皆稱其賢姑王孺人嘗病目維時鐘勳遊學在浙東孺人乃每晨爲姑吮之久之姑目疾良已朱氏家饒給而孺人性愛儉素不尙華侈一切紉箴補綴之事靡所不治鐘勳嗜學青燈黃卷五夜咿唔不輟孺人恆十指挑絲以佐讀焉或遇善本書欲購價高不易得者孺人脫簪珥以助其費

朱氏之先有羽吉公以孝義著聞於世刻有孝義贈言板漫漶
孺人一見卽力爲補完之其明於大義如此歲在戊辰閏七月
十四日鐘勳遘疾卒孺人誓以身殉因時方懷娠乃強進饘粥
以待產期越兩月免身乃告於舅姑曰婦事畢矣可以死矣撫
棺號哭一慟而絕醫者欲診治進藥已無及距夫亡僅五十餘
日時孺人年二十九子淮太學生

論曰孺人之姑予族孫女也昌舒長於予一歲同補諸生每試
於有司輒相與握手談藝予飢驅四方老而徙家金閶門與嘉
寶間闕淮乃追述母事屬錢宮詹索予文宮詹則予妹婿而孺
人之族弟也夫夫亡年未三十而守志三十年曰節婦從夫死

曰烈婦此成例也孺人之年合節例從夫死合烈例而兩不得以名之其實則得以兩名之何則孺人之死也以哀毀死非自經非自刎非絕粒食者故不能引節以例又不能引烈以例嗚呼正惟其未符於例此淮之所以追痛罔極必汲汲於表彰而欲乞言於士大夫以識不忘者也且婦人新產百脈如沸當此而雞斯徒跣號泣擗踊其足以傷生也此孺人之所明知也明知而躬蹈之蓋志在必死以從夫地下其志素定於胸中所以出此豈尋常哀毀比哉此未符於節烈之名而正以兼盡乎節烈之實者也予故撫實而謹書之以竊附於闡幽之義云

賜進士及第誥授通議大夫光祿寺正卿翰林院編修年姻家

節行錢孺人傳

孺人姓錢氏嘉定縣外岡里人歲貢生巢縣儒學訓導麟之曾孫太學生衍之孫太學生楷之長女而寶山縣學附貢生朱鐘助之元配也幼而端靜不苟言笑祖母曹太孺人特所鍾愛八九歲通孝經及女誡稍長習鍼術不假女師自然精妙其歸於朱也事尊嫜以禮親黨咸稱爲賢婦鐘助嗜學能文詞有聲庠序讀書率至夜分孺人親縫紉或紡木棉篝鐙相佐未嘗有倦色鐘助之歿也孺人慟哭絕粒誓以身殉姑王太孺人力止之乃少進一溢米以方懷孳懼夫無嗣也及免身得丈夫子號泣謂其姑曰吾事已畢當從夫地下撫棺長慟氣息垂盡亟延醫

診之曰心脈絕矣遂卒年二十有九距夫亡僅五十餘日子淮
太學生嗜古能世其家

太史氏曰孺人於予爲族姊幼時隨侍先奉政公館族父家孺
人尙在室所居甚偪仄言笑之聲未嘗聞於外足跡未嘗一踰
闕也古者嫠婦稱未亡人蓋同穴之義勇於速死孺人方盛年
家計饒裕而志在從夫地下之死靡悔其節行有過人者紀之
彤管何謝古人哉

乾隆三十有四年歲在己丑三月十五日弟大昕拜撰

予爲此傳後二十年孺人之女孫爲予次兒婦述其父命請
予書將勒諸貞石因檢前稿稍增易數字書以遺之朱氏先

世有號羽吉者以復父讐名載邑乘而孺人大母曹太孺人
守節撫孤有詔旌爲節孝之門兩家世澤流芳遠有代序孺
人貞操自矢固由天性亦其濡染家教者深也君子樂道人
善爰牽連書之己酉三月十八日大昕記

廩膳生朱薌石先生家傳

羅陽朱氏寶山縣望族也自明迄今代有聞人或以孝行著或以德義稱或以文章顯余多識其近今之賢者於以歎君平生遺澤之遠君平先生明之善士黃忠節公曾爲譔傳者也嘉道間有薌石先生者爲君平八世孫余未嘗親炙其人讀文孫詒緒所述事略而知先生之克繩祖武焉謹按先生初名雯後改承禧字錦施初號蓮莊自幼勤學讀書必析其疑義錢辛楣先生嘗稱許之爲文力追先正弱冠後受知於學使胡禮部侍郎補縣學生旋以優等食餼道光壬午省試闈中已擬登魁選以後場微庇見擯先生自是遂無意科名惟行善以爲鄉里表

率里中有爭訟者得先生一言立解有以匱乏告者必以力所
濟之不足則稱貸而益之其爲德於鄉者多類此道光甲午撫
軍林文忠公以修築海塘駐節羅溪與先生縱談天下事文忠
嘗謂人曰朱生經世才以明經老可惜也夫先生之讀書析疑
卽君平之敏而好學博覽強記也先生之無意科名卽君平之
屢試不第泊如也先生之行善於鄉卽君平之見人有急如赴
焚溺也至其見契文忠與君平之匡正憲副尤有合者然則先
生固不爲君平賢子孫惜乎鯁生之文不足附忠節以傳也先
生生於乾隆卅八年七月廿九巳時卒於道光廿三年八月廿
四丑時壽七十一著有寄茗吟詳縣志 嘉定宋道南撰

薊石朱先生傳

先生姓朱氏

諱

雯後改承禧字錦施號薊石先世由歙縣遷寶

山縣之羅店鎮國初旌表孝子

諱

漸儀字羽吉者先生之五世

祖也先生質魯而好學弱冠後補博士弟子員旋餼於庠歲科

試必列前茅道光壬午科省試膺薦主試擊賞其文孟藝爲同

號生剽竊四句以雷同被黜因是絕意進取居恆訓誨子姪循

循有法度時嘉定錢辛楣宮詹致仕家居與先生有葭莩誼時

相往還遇有疑義必折衷辨晰弗明弗措焉里中有爭訟力爲

排解人以緩急告者力不飲必轉相勸貸求有濟而後已道光

十五年潮災蘇撫林文忠公以勘塘寓鎮先生追陪數晨夕談

論事宜悉中肯綮文忠深器重之及英人寇吳淞著寄茗吟以
自慨晚年好花木甥沈文淵築有別墅日往游玩賦詩自娛年
七十一卒子諱慶恩字沛周咸豐辛亥恩貢卽祥受業師也次
慶春三慶徵先生距今五十餘年矣癸巳冬其孫詒緒述先生
梗概請爲傳不獲固辭遂詮其語以附於家乘云

光緒癸巳冬月穀旦同治庚午經魁同里潘履祥拜撰

文卿公傳

孝廉姓朱氏諱慶昌字星六一字文卿其先爲歙縣人遷寶山縣之羅店鎮遂家焉六世祖羽吉公旌孝子事載州縣志祖太學生寄園公嗜藏書錢竹汀宮詹以小萬卷名其齋父增廣生映波公中年棄舉業怡情花木壽八十餘重游泮水孝廉三歲失恃外祖母撫以成立身弱父師不甚督課而孝廉昕夕一編凡大父藏書悉丹黃一過受業於古皋金先生每一藝出同儕擊節稱賞一時如金罍舟施尙虞諸先生皆折行輩與交二十三補博士弟子員道光己亥領鄉薦兩赴春闈報罷年才四十不再應試曰親老功名可徐圖也自是十餘年未嘗離親側父


歿絕意進取益勵學行博覽卷帙凡治道得失學術異同有裨
世教者輒分類手錄之未幾值粵寇僦居村舍丹鉛盈几案謂
時與古人相晤對放心自斂攝耳方是時烽煙四起遷避盈道
路人方戚戚已則晏如也詩歌不多作作亦弗存青浦泉南山
人周君輯舊雨集采入數章此外不多見爲文闡發經義不趨
時尚經指授得科名者指不勝屈遠近來就正者口講指畫媿
媿無倦容性誠樸謹飭一衣恆數十年操觚雖急遽不雜一行
草體朋舊聚談無一戲謔語又耿介自守不受人請託亦不肯
請託人不受一無名錢嘗言不作非分事是制行第一功夫不
取分外財是治心第一良法一日入市適鄉人持竿誤觸其冠

墮地鄉人惶愧孝廉溫言撫慰而去旁觀者訝之孝廉曰彼無心且已謝過奚校焉人服其冲度至今傳爲美談晚年艱於步履足不出戶然訓課子弟生徒無間寒暑年六十八以微疾終著有歷代姓氏攷兵燹草稿散失又著茹古集未卒業

贊曰余與孝廉屬中表親故其爲人知之最詳楚皖客游不相見者幾二十年去歲晤於羅溪從容和藹令人見而躁釋矜平蓋其德愈盛而養愈深矣不作非分事數語雖先正格言亦不過此至鄉人觸冠事余過婁江寓中有村僕猶津津稱述欽慕愛樂形於詞色益信人心風俗每視士大夫爲轉移也或謂以孝廉積學勵行使振翮雲衢拾青紫綰印綬不更有所表見乎

抑知其不事進取以親老故孝子之後必有繼人矣不於其身
必於其子孫又何疑哉

同里范國俊拜撰



清誥授奉直大夫光祿寺署正朱公墓誌銘

公朱姓

諱

昌杰字振夔一字松喬先世由皖遷吳門旋居寶山

之羅店里六世祖

諱

漸儀以父仇未復衰絰終其身今世所稱

朱孝子者也曾祖

諱

履仁父

諱

惟均以公貴贈承德郎承德公

有丈夫子二公其長也公生而伉爽不屑屑於章句學年三十

補博士弟子員幼喪父母撫弱弟以恩凡先世所遺產擇尤授

弟仍隨時卹其乏至老不衰嫁妹厚奩具惟恐不周其至性過

人若此生平尤喜調人之急里本通衢客以資斧貸無不應或

尤受其誑公曰其言則僞其貧則真自是行之益力一日有老

嫗哭於途詢之曰吾入市貿布將番銀一枚被人攫去公曰不

然爾遺之吾拾之矣固與之泣受去邑無賓興公車公歛與諸
伯叔捐鉅款存富商家以息錢助里春秋試者赭冠亂後公私
蕩然商欲援免訟於官公力持之至今士林得沾潤溺女之風
吾鄉類然其尤貧者甚且溺男公率同志數人廣籌經費設保
嬰局存活甚衆壬寅歲英夷入寇某制軍潰兵過羅店公恐其
擾也煮糜粥哺之噴聲若流里無秋毫擾制軍酬公金數百謝
不受癸丑土匪蠢動公泣諭鄉民曉以大義一時聽公言而反
正者以千百計旋合里中莠民爲鄉團優給銀米人疑之公曰
若輩皆好亂者先養之以絕其患且善用之可得死力後果同
景參戎又春克上海賞光祿寺署正銜公之深識遠慮皆此類

也猶記父老云道光二十九年邑大稔米珠薪桂民不聊生公力請大府賑粟若干石有欲減其數者公於大府前力爭之貧民得沾實惠又里雖賑粟飢民往往塞路公輒出己貲與之家財爲之罄嗚呼今之擁吏卒走數州者皆自以爲爲民父母者也平時朘削民之脂膏一旦地方以水旱告國家截漕發帑大沛皇仁而向所爲爲民父母者坐視餓莩之滿前方且張樂置酒酣嬉淋漓甚至喪心昧良圖飽私橐終伏歐刃而不悔聞公之風其亦可以少息矣公豐頤廣額聲若洪鐘望而知爲古君子與人交面責其過退無後言其於己所不屑者雖多方悅之蔑如也以嘉慶九年八月三十日生光緒八年三月二十一日

卒壽七十九配錢氏封安人先公二年卒長子詒祿次詒祚邑
庠生均早卒次詒祥次詒福均邑庠生女二一適邑庠生張人
鏡一適國學生金壽楣孫九曾孫一詒祥等將以光緒九年附
葬公於承德公之墓甲山庚向錢安人附焉予與詒祥同出花
潭鮑先生門銘墓之責誼不當以不文辭銘曰

公昔慷慨惠梓桑豆區釜鐘充賑糧飢民立變菜色黃公今死
矣憂傍徨一朝饑饉甘流亡淞水之北羅溪陽佳氣蔥蔥宰樹
蒼我作斯銘掩其藏行人勿趨遠勿忘

光緒九年五月穀旦壬午舉人正白旂教習世姪陳親圻拜撰

觀

松喬公傳


公姓朱氏諱昌杰字振夔號松喬旌表孝子漸儀六世孫也父
惟均有丈夫子二公居長幼失怙恃公讀書之暇兼理家政撫
弟妹成立婚嫁無失時年三十以州元補博士弟子員兩赴秋
闈不售絕意仕進留心世務性伉直見不平事輒出而左袒之
人有以貧乏告者雖傾囊以飲弗惜焉家因以日落里中舊無
賓興凡遇大比之年士子不得資斧而裹足者十常七八公與
族之有力者捐集巨款存富商得子金按科分給而春秋與試
者日以衆庚申寇亂後富商以家資蕩然請援免於官公力挽
之至今士林沾惠焉道光己酉初夏水荒公與白沙張丈問秋

請糴吳門舟至江中羣盜覬覦之公靜鎮不少懦盜亦旋却其
肝膽智識實有大過人者繪有擊楫渡江圖其實事也及賑饑
時有欲減升斗以予民者公曰貧民多得一粒卽多延一息脫
不足吾補之而里之賴以存活者無算壬寅歲英人寇淞口潰
兵過里公煮糜粥以食之兵無秋毫犯癸丑紅巾之亂里中從
逆者紛如及吳縣令丁公諱國恩收復嘉城一夜忽傳剿羅之
信時秋雨連綿男女之逃避四鄉者月黑路瀟慘苦萬狀公與
陸君子愚來約余先君子衣冠西迎將爲地方訟冤曰果有此
事吾輩先爲白刃之蹈亦所不惜行三四里知爲子虛遂返而
先君子遂以感寒得腹疾卒未幾景參戎又春克邑城踰年上

海亦收復公以團防出力賞光祿寺署正銜晚尤好善如保嬰
掩埋以及橋梁廟宇靡不勇爲弗避勞怨里中宰牛捕蛙者雖
疊奉諭禁弗能止公諄諄勸導此風得少息與人交見有過必
面斥之然能改卽止故人亦諒其誠卒年七十九長子詒祿次
詒祚邑庠生早卒次詒祥次詒福均邑庠生詒祚余姊婿也忝
列戚末且知之眞故不辭譴陋而爲之傳

光緒十年歲次甲申孟秋之月姻愚姪潘履祥拜撰

Faint vertical columns of text, likely bleed-through from the reverse side of the page.



文學守梅朱先生家傳

先生姓朱氏諱慶中庠生名慶曾字兆祥號守梅太倉寶山縣

人爲欽旌孝子羽吉公之六世孫公傳三世至曾祖可亭公諱

鐘勳附貢生祖寄訥公諱淮國學生嗜藏書嘉定錢竹汀宮詹

以小萬卷顏其齋本生父石圃公勅封文林郎諱登俊世有隱

德生四丈夫子先生其長也幼出嗣胞伯少川公後少川公諱

震國學生積學早世先生生成婚未幾嗣母錢太孺人卽見背因

奉本生父母以居克盡子職尤篤於友愛而於季弟爲尤甚其

時本生父母年近衰老先生之季弟正甫孝廉方在讀書就傅

之候先生教養一十八年無間言迨季弟入學授室食指繁多

家亦中落始析爨正甫先生

諱


慶紳於道光己酉領本省鄉薦

本生父在堂本生母顧太孺人已辭世先生喜曰弟真不負予
十八年苦衷今而後可慰我父於堂上并可慰我母於地下矣
先生爲人正直不阿好讀書每日有課程亦每日有記因著有
讀書得間兩卷道光壬癸之間惜毀於兵燹喜奕嘗與同里范
少崖先生方外四和尚爲橘中之樂先生曰奕棋不過爲無事
消遣一法勝敗何論先生之言殆得古人勝固欣然敗亦可喜
之意歟少年困於小試年三十餘補博士弟子員四赴秋闈兩
薦而遭屈抑乃曰功名非我分焉遂絕意進取授徒里中沈小
谷觀察家近三十載課其子若孫循循善誘師生之親暱如家

人父子然人皆謂其難得嗣以年老辭席師生間猶戀戀也家居杜門不出或有同志老友造廬相訪談古今佚事與夫科場掌故終日無倦容平時遇子姪輩每以讀書敦品爲勗其他弗及焉年七十八偶撻疾自知不久於世乃喟然曰吾有志未逮竟至老死闢下責在爾輩當好自爲之不多囑也言訖而逝先生歿於光緒癸未年十二月初二日酉時德配范孺人歿於同治丁卯年七月十一日子時生丈夫子三長詒穀邑庠生次詒升議叙八品殉粵匪難三詒晉邑庠生嗣先生胞弟慶崇後皆能世其家先生歿後十餘年文孫雅萃茂才館於莫釐周子莊明府家余不時顧訪其居停主人因相識焉一日以其乃祖守

梅先生行狀來乞傳於予受而讀之言皆事實乃許之不事鋪
張不加詞藻存其真也遂爲之次叙其梗概如此時在

光緒二十有三年八月之望莫釐鄭言紹拜譔



朱正甫先生家傳

嘉定黃世祚撰

先生諱慶紳字正甫江蘇寶山人其六世祖羽吉先生以其父
爲豪家毆死衰經終身旌表孝子其後代有聞者世爲羅溪望
族先生秉夙慧讀書日數行下學帖括不慕時趨力追先正爲
邑侯器許拔置冠軍遂游庠道光己酉登賢書再赴公車報罷
遂絕意進取時其尊人石圃先生年登大耄患足疾艱於步履
先生謹侍寢興中幫廁踰躬自澣滌未嘗假手他人其母顧太
孺人素抱肝疾間時一發料量湯藥恆累月不解帶比遘二親
憂喪葬盡禮家祭常啜泣其孺孝蓋出於天性焉先生勇於爲
義不避勞瘁咸豐季年粵寇陷蘇常嘉寶以次被兵先生召募

鄉團防衛梓里又籌集巨款以佐軍實事平同人邀獎叙有以
保舉噉先生者不爲動遂寢其議時大難甫夷齒骼盈野先生
鳩貲置田數畝爲義塚斂暴露者叢葬之又集款創同仁堂施
棺局規畫詳盡至今不廢先生性嚴正以維持風化爲己責遇
豪強不法者輒陳請有司懲儆以是鄉里肅然嚴憚之然其待
人則一以誠樸相許有同里至戚身故乏嗣先生經紀其喪爲
之立後外戚某節婦年邁無子先生爲之請旌於朝時加存恤
值寇警病歿於鄉亂定後先生徧覓得節婦遠族令其指示本
族墓地移櫬合葬之其忠於爲人謀有如此者生平義命自安
厓岸高峻雖家不中資而處之泊然嘗曰先賢不云乎無財之

謂貧學不能行之謂病吾生雖晚得讀古人書要當盡分內事
不取分外錢菽水之供硯田可給吾心安吾親心亦安何病爲
其爲學以研求名理切於身心日用爲歸束日手一編鉛黃盈
几席其誨子孫爲學問也則曰士人讀書等身豈宜鹵莽從事
宜以經史唐宋諸大家爲根柢屈宋漢魏六朝文充才藻由是
涉獵百家浸淫諸子庶有心得而於大聖賢闡揚名教扶植綱
常之處尤宜三致意焉區區帖括云乎哉嗚呼於此足以覘先
生之爲人爲學爲文蓋一以貫之矣先生悉心蒐訪冀存先澤
後於其友家見宋史朱印爛然爲其曾祖可亭先生手澤先生
北面再拜以他書易歸嘗曰家有遺書雖連城拱璧不是過萬

戶侯何足道哉其胸襟之高曠有非恆人所能及者著有詩文集若干卷手輯先儒語錄爲警心指要又集古人家訓百餘則題曰後人必讀稿藏於家子詒甲能世其家學孫曾輩亦有聲庠序蓋積累之澤正方興未艾云論曰程子有言一名之士苟誠心愛物於人必有所濟諒哉先生性摯學優負一鄉重望雖未獲致身通顯本其所志所學以大行於世而觀其篤於親厚於嫻表於其里型於其家者皆能居仁由義而爲後人法是非所謂於人有濟而可傳諸者歟先生之歸道山距今已數十年而其碩德遺愛猶膾炙於隣里鄉黨間故撮舉其犖犖大者爲之傳俾後之談羅陽文獻者有所考焉

滌軒朱公家傳

公諱詒泰字后成號少卿晚號滌軒先世由岷山徙嘉定縣之

羅陽縣析寶山遂隸其籍曾祖淮太學生祖登書增廣生父慶

昌舉人公年弱冠入縣庠旋食餼同治癸酉貢成均光緒乙亥

登賢書兩赴禮部試不遇遂絕意進取閉戶著書歲乙巳重游

泮宮越三年戊申七月卒年七十有九娶汪氏繼沈氏繼瞿氏

子一世臣恩貢生孫三長保鴻諸生公性高潔嚴取與慎交游

而和易坦白不務爲皦皦之行於學無所不窺尤潛心關閩濂

洛之書居恆嘗曰心不可使忙忙則事誤身不可使逸逸則業

荒欲事事盡如吾意是爲妄人欲事事盡如人意是爲鄉愿與

人共事當以公私爲從違與人論事當以是非爲可否故公律身甚嚴而未嘗與物乖忤殆和而不同者歟光緒季年民氣漸囂士習亦靡公慨然曰吾力不能轉移風氣然吾行我素不可爲風氣所移吾德不足感化羣邪然吾守我貞不可爲羣邪所化年老健忘處事小不當輒自責曰此非由精力之衰而由學養之淺私心未克盡故待人有忮心褊心處己有驕心吝心也其信道之篤改過之勇至老不懈有如此者公誘掖後進如恐不及少設教於同里李氏里中父老爭遣其子弟從游避亂崇明崇明人咸樂師之亂定歸里開門授徒又主學海講席十五年弟子者著籍者先後數百人以公善因材以施教因文以見

道曰才人之文多雋語每以自娛者娛人名儒之文多莊論每以自傲者傲世故士之及公門者咸端謹樸雅不沾沾於帖括之藝公好讀書手不釋卷秩家藏經史百家子集靡不精校校或三四過丹黃滿目端嘗選鈔古今名大家文積數十帙高與身等甄錄新五代史加以詮釋采掇歷代史事繫以簡明之論斷經營慘淡已數易稿然皆秘不示人人莫窺其底蘊而獨以詩名於時咸豐初嘉定周叔米先生里人陳康伯同叔兄弟共結詩社公日與唱和格律謹嚴詞旨古雅翕然推騷壇盟主中更喪亂流離辛苦一變而爲沈鬱悲壯之音晚則彌淡彌高駸駸乎祖淵明而祧摩詰闢精舍日偶然居一庭花木四壁圖書

藤榻竹爐一塵不染公屏絕世事觴詠其間自號二鄉閒客病
彌留猶口占一律留別知交蓋襟懷淡泊故能了然于生死之
間而陶陶然有嘯歌之樂也公身長玉立廣頰疏髯善飲酒然
少飲輒止有勸之者累數十觥不醉當易簀時索酒飲杯許怡
然就枕嘗爲里人規劃慈善事宜捐貲以助其成而不居其名
應邑宰聘課其子弟讀出入官廨未嘗一言及私人亦不敢干
以私此雖一節之微然已可見公之生平矣所著皆師編得鏡
編偶居然偶筆皆未梓秋濤閣吟草公卒後始刊行世中華民
國元年五月上海秦錫田謹撰

朱蓉舫先生家傳

世界之內天理之所以常存人心之所以不泯者孝道而已矣
孝者良知之所發藹然粹然而不容已者也昔孔子作孝經曰
先王有至德要道以順天下民用和睦子思子作中庸引孔子
之言曰父母其順矣乎蓋和順之氣天地之心也一鄉一邑多
和順之氣則國以治一鄉一邑多乖戾之氣則國以亂矣吾鄉
寶山有朱孝子羽吉先生者載諸邑乘膾炙人口述其事者不
知手之舞之足之蹈之識者謂此良知之所發也迄其七世孫
有朱蓉舫先生邑之人稱願然曰幸哉朱氏復有孝子矣先生
諱詒甲蓉舫其字世居羅店鎮天性至孝侍奉庭闈先意承志

視無形聽無聲冬溫夏靖昏定晨省如是者蓋數十年如一日
父母有疾不脫冠帶而養行不翔色不惰兢兢焉守禮經訓罔
敢懈識者曰此庸行也而不知其卽良知之所發也蓋羽吉先
生於是爲有後矣配顧孺人溫恭淑慎壺範聿昭處理家政庸
如秩如識者曰朱氏家道之康宅爾宅田爾田皆其賢伉儷克
勤克儉之所致而不知其孝道之敦篤孺人內助之力居多焉
有子四人世庠世祔世清世望皆克樹立一門之內色養溫溫
由是其和順之所積發而爲善行羅店有怡善堂者創辦保嬰
恤癯敬節諸善舉先生皆躬親其事寒暑無間值歲洊饑鄉人
及親友中有貧不能自存者每傾囊施予之故當其歿之日里

開中咸流涕曰惜哉失一善人矣而余則更有進焉昔子輿氏
庠序學校之教曰人倫明於上小民親於下蓋倫常之親善皆
詩書禮樂之澤所漸染而薰陶者也先生幼習十三經年十九
補邑諸生童林督學兩使者先後器重之試輒列優等文名藉
甚顧數奇九試鄉闈不得售於是出其所學詔其子曰聖門崇
尙躬行敦品勵學皆吾儒分內事素位而行君子之道也汝曹
其勉之晚酌杯酒每講漢書文選諸書娓娓無倦容又教以臨
池規法以歐顏柳褚爲正宗參以董趙筆意蓋古人所謂心正
則筆正習字雖小道亦可覘心術之邪正也嗚呼晚近以來孝
悌之義失講久矣漢延叔堅有言仁人之於孝猶手足之有腹

心枝葉之有根本也腹心傷則手足未有不痿者根本撥則枝
葉未有不覆者生人之大患皆起於忘本故居今世而正人心
必以提倡孝弟爲先務矣余故傳先生之孝行以諭吾鄉之人
俾知所法式云

太倉唐文治頓首拜撰

朱君企呂小傳

君名世望字企呂寶山縣羅店人朱氏爲羅店望族君爲蓉舫翁之季子也聰慧異人讀書過目成誦年十二畢四子五經握管學帖括不慕時趨力追先正以桐城姚氏新會梁氏爲依歸喜讀通鑑於古今名人言行頗有心得年十七受知於唐春卿學政科試拔取冠軍補博士弟子員文名籍甚時科舉初廢卽銳意入學堂求新學翌年投攷南洋公學題爲擬上出洋考察大臣意見書又擢第一專心媚學以冀將來貢獻於社會詎遽患腳氣症甚劇同學某君覩狀堪虞伴送返里歿於途次時前清光緒丙午歲五月十一日也年十八矣母夫人痛惜之命伯

仲叔三子各以所出一人保章保雄保球爲之後蓋無有禮者之禮也保章懼先人行誼將久而漸淹持事略以請爰爲之傳俾附家乘

洪保嬰曰天之生才不易顧才矣而天不培植之而摧折之一若天不愛惜才者何哉此世所以有才難之歎而家庭社會爲之重可惜也余傳君特致慨於人才云
中華民國二十有三年三月太倉洪保嬰撰

再續五老圖小序

我家世多壽考在昔有清道光時曾伯叔祖輩始繪有滄洲五老圖同里前輩古臬金先生各爲之小傳一時傳爲佳話厥後祖父輩踵起善繼其志續繪五老圖同里施琴南廣文爲之題跋迨伯叔輩時弟昆繁盛享壽尤多因繪九老圖一幅同里錢禮南學博爲之題序今者我輩皆杖鄉矣雖未敢媲美前人然桑榆垂暮相對婆娑撫斯景焉亦足以自娛此皆上賴祖宗積厚之遺非倖致也爰於癸酉春正之吉邀集在鄉諸昆於宗祠止止齋攝影成圖自名爲再續五老圖圖中首爲予時年六十有六次爲淵士弟時年六十有五其三爲石虛弟時年六十有

四其四與五為藹吉杏書兩弟一年六十有一一年六十也嗚呼烽火頻驚滄桑屢變值世局離奇之會當斯道絕滅之秋笑我老饒筆偏力短圖成不敢問序於當世有道之君子因自為小序云爾

民國二十二年夏歷癸酉元宵節後四日世賢志

再謝正德閣小札

大父薊石府君遺事贈言記略

嗚呼自吾大父之歿於今踰五十載矣緒童穉時大父親課誦

讀迨大父見背緒甫十餘齡茫然未有知大父之學問行誼烏

由窺識萬一惟憶當時前輩諸君子多以詩文來貽贈大父時

黏壁間緒略得見之又壬寅歲海氛不靖大父感時事著有寄

茗吟若干卷爲時傳誦而其稿經庚申兵燹竟散佚緒訪求四

十餘載冀里中或有傳鈔之本終未之得先人手澤不善護持

罪奚道焉若夫前輩貽贈之作今亦一無存者緒追憶之而未

忘者僅百之一耳蹉跎復蹉跎自顧年華亦已六十餘矣深恐

大父之梗概湮沒不彰因嚆城明經宋君梅卿同里孝廉潘君

春生並爲撰傳將鐫石以垂永久而當日諸君子贈言

緒

所略

能憶者謹錄之附於後庶吾大父之學問行誼益有徵焉大父
弱冠游庠嘉定錢辛楣宮詹贈楹聯云讀書心細絲抽繭鍊句
功深石補天此大父青年積學下筆不苟之一證也大父五十
生辰嘉邑陸詩愚先生撰聯贈云便腹自儲經笥五介眉爭進
酒卮雙此大父經義湛深同人推服之一證也同里龐問青先
生贈句云家儲黃卷銅盤勵樹產紅珊鐵網收大父平昔誨迪
子弟亶亶不倦之一證也有云先進衣冠人共仰者嚆城澗琴
張夫子贈吾大父句也有云一卷杜陵詩史筆秋風匣裏劍鳴
時者同里古臬金太老夫子所題寄茗吟句也則吾大父古道

照人慷慨論事卽一酬接一吟詠間而性真流露亦可證矣

緒

昔館芝輿楊廣文家廣文爲述某科鄉試同舟數人舉眼鏡爲
題戲詠之吾大父卽口占云欲窮千里更上一層同人詫曰驪
珠去矣安用鱗爪爲遂罷唱此亦足證吾大父之才思敏妙爲
儕輩心折焉大父生平不喜謁長吏而邑侯毛公循齋雅器重
之別駕于公瀛舫博學章公犀台尤爲吾大父聯文字交于公
贈詩云瞻君如瞻韓山斗高何及相逢會有時令我下車揖章
公贈句云苜蓿闌干風味淡半生心事只君知觀長吏殷殷下
士而吾大父之品學不尤足證歟大父壯歲時嘗偕諸昆季於
籐花館會藝婁東李秬香先生閱卷每得大父作輒擊賞不置

壬午鄉試大父薦而未售主司以親切有味無藝不搜評其文
嗟大父之積學功深不惟見稱於一鄉一邑又確有明證也已
則乎大父長逝矣追緬典型渺焉莫接緒之所得記憶者僅僅
此數事而其事瑣細非傳文所可詳載筆而存之留示後人俾
略知先德云爾

光緒甲午冬月孫

詒 緒 謹識

爲家慈八旬誕辰敬求詩文啓

竊惟鳥鳥之私不忘反哺犬馬之養猶解服勞天性之愛人類

所同矧若增者未及成童遽遭失怙飲食教誨胥賴慈親尊養

顯揚徒縈夢寐學荒束皙難爲華黍之賡才乏潘安莫遂板輿

之奉盤未登乎苜蓿遑問雞豚增嘗以教職候銓未往就職跡屢轉乎蓬蒿有

慙燕雀增歷供浙江江蘇財政司局職務累年奔走定省屢疎晨昏循省喜懼交并伏念家

慈葉太君魏國嗣音向公幼女家慈爲清授通奉大夫花翎道銜鹽運司運同葉公諱承銑之第五女

系莫釐之望族由胥水而來嬪組紉織枉有餘閒寫折枝以遣

興家慈少嫻繪事中蒹藻蘋蘩皆盡職虔佐饒以臚歡承先意於

兩姑詎難爲婦紹遺徽於四德尤著宜家處順安常舉案則孟

光是法臨危制變鳴鉦則韓媛交稱

前清同治六年增家被盜先君械禦之家慈奪門而出鳴

羅告警悍匪乃遁

自粵氛突竄蘇垣乃申浦迭飄萍梗

庚申之亂先君挈家轉徙吳淞高橋

等扶攜老幼胥宇相偕黽勉有無典釵殆盡餅之罄罍之恥旨

甘敢缺常供衣可綴藿可充節縮正資內助迨時平而驚魂甫

定奈家落而厄運復乘摧萱已慟乎榛筭調藥復劬乎苦寢

先祖

妣嚴太安人之病家慈與先君晝夜護侍比太安人亦見背先君亦病莫能興家慈啣哀調護幸獲安全泉魚風木銜恤方

終司馬陵園著書又病

先君內艱甫復遽病棄養

衣不解帶侍湯藥者半年

淚盡成冰絕水漿者七日時則衰嫜在上

生祖妣徐太安人尙在堂

弱息盈

前井臼操持門牆支柱代伸終養視聽於無形無聲恪守遺經

詔示以必誠必信

生祖妣徐太安人逝世飾終典禮皆家慈獨力摒擋嘗顧謂增等曰必誠必信勿致有悔

孟皮

乏祀推冢子以嗣薪

胞兄世培承先伯韻甫公後

文伯早喪撫諸孫而畫荻

兄

嫂早故家慈撫愛諸孫甚于往昔

推之婚男嫁女力瘁經營極之婢織奴耕躬親

督課艱辛備歷倍彰松柏之姿花甲頻添愈厚樾槐之蔭課桑

麻而喻指子婦團圞索梨棗而開顏孫曾婉變

家慈今有孫男三孫女三曾孫男四

曾孫女二况有大家麋壽將扶藜杖而來

胞三姨母為馮宮詹之長子芳緝觀察之德配長家慈三歲

介弟龐眉亦獻椒盤而祝

胞二母舅仲榆司馬亦已引年歸隱

同懷遐算亘古稀

逢茲甲寅九月中旬為家慈八秩初度敬求諸大吟壇先生吐

其鳳采賁以鴻篇庶幾金石聲宣俾永無疆之慶衡茅光煥藉

酬罔極之恩無任佩紉曷勝跂望寶山朱世增淵士甫謹啓

朱母葉太夫人八秩壽序

吾羅蕞爾邑無善俗可採而孝行獨彰里乘所載年代較遠湮沒無聞者姑勿深攷有清一代人物以孝友志者指不勝屈而於朱氏得三人也三人之孝不同要皆純篤誠敬而不以貌謹事親也甲寅九月日朱母葉太夫人八十華誕先期數月仲子淵士先生就其淑德及其生平境遇艱險困阨之狀撰述鴻篇謹告於鄉族戚黨及當世之賢士大夫與夫山林遺逸之士徵集詩文奉觴上壽此豈所謂貌謹事親哉孝子之事親也不在乎一日之貌謹而在於平時之善體親心親之遇寇盜也若何其捍禦也智識之富必思有以法之親之避世亂也若何其勞

瘁也操持之苦必思有以報之然而親身所歷之境於患難之事固當謹識而不敢忘於服務之勞尤宜表僊之而不容隱親之於兩姑也佐夫以事之其事易一姑病一姑未病佐夫以事之其事猶易一姑沒一姑未沒而夫病一心欲事姑也一心欲事夫也則其事難至一姑僅存而姑又病一身焉而以爲婦之道事親一心焉而欲體夫之心事親事亦猶是事也而其難較甚矣不甯惟是親有子子亦有子親之於子也養子也所以綿世澤教子也所以振家聲不幸而以養子之心養子之子教子之心教子之子而親心益苦矣人情於憂患之境往往過去而不能忘矧歷一境也而增一患歷一境也而重一憂推其心雖

處安樂有無適而非憂患者一日之貌謹奚以補數十年純篤誠敬之心哉然則奚以壽父母之年不可不知也知其年而壽之與知其心之所至而壽之等壽也而孝思之摯不與之俱等淵士之壽太夫人意何在我知之矣已歷之歲月自今以前親以爲皆當作憂患觀也不有今日人之壽之者安知太夫人之能體先世之孝而孝於其姑未來之歲月自今伊始子以爲皆可作安樂觀也不有今日人之壽之者安知淵士之能體先世之孝而孝於太夫人然則今日之壽謂淵士爲貌謹事親者豈人情哉小子不才不能導揚懿範又不善辭翰璀璨於星輝雲爛之間爲太夫人壽罪矣然而戲綵娛親亦人子眞誠之所流

壽羅溪朱母葉太君八十并示淵士

朱母出名門賢聲備四德中歲賦黃鵠堅節勵松柏滄桑變故
多艱苦飽閱歷八十尙康強純嘏自天錫茲逢設悅辰華堂來
賀客孫曾列成行歡承母顏色我居東海濱相望一水隔遙致
介壽詞不及赴瑤席郎君我舊交溫文而修飭曩在吳越間從
公共晨夕羣推會計才時譽號精覈歸來奉母居菽水盡子職
世亂正紛紛家食未爲厄况乃子姓繁授業當審擇母訓最可
思本計在耕織遠慕敬姜風不害慣勤劇滿庭蘭桂芳莫非母
手植中有天理存餘慶善可積以此報春暉祝母壽無極慈孝
無間言宜爲鄉黨式

崇明王清穆拜祝

按葉淑人系出吳郡名門夙嫻姆教歸翼甫公知盡婦道心
又好善戚族中有告貸者必如量以予之故鄉里皆稱其賢
也年八秩子姓爲之奉觴上壽而遠近賓客之以詩文序頌
來祝賀者盛極一時彙編成集將欲付梓詎壬申之春倭奴
入寇羅陽之地多被蹂躪所有詩文序頌盡燬兵燹寇退收
拾燼餘僅得崇明王丹揆先生五古一章與同里楊瑟民先
生壽序一篇今附刊於譜以留吉光片羽並藉以表淑人之

德云

均伯朱先生七旬壽序

羅溪一海隅彈丸地而民有古風人多長壽兵燹之後稍事增
華家慶之文大部掛壁其間非無操觚學士有無所謂薦紳先
生文字聯緣簪纓炫寵間有子貴用表母儀或重人師饗以朋
酒流原不雜志亦可嘉桑海屢經梓鄉一變以瘠貧之地效當
貴之家以徵逐之情作慶祝之舉赤文錯彩大舒鋪藻之毫金
石諛詞妙譽粲蓮之舌習風已慣附雅無慚效者皆顰言之實
汗

均伯先生志識過人謙沖在抱凡事不爲兒戲一生自信老成
亥算可稽縱似疑年之絳老申生祝誕敢煩作頌於詩人然而

曲禮三千年皆當引人生七十古亦稱稀雛鳳能鳴效黃鸝之
三請春鶯賡唱協絳樹以雙聲將於辛酉十月敬奉一觴用申
三祝而屬余爲文以序之余維人世遭逢不幸而處變民情歸
附全視乎安危當夫橫漢槎飛沿江鼎沸聲類驚夫草木蔭孰
庇乎粉榆先生庾信營園相如隱市忽聞逐鹿競誇北勝南強
遂至飛龍僅現東鱗西瓜味味者神州紛紛者戰局黃鶴樓中
之笛變徵有聲石頭城上之幡受降無策誰作識時之俊傑倍
憐同井之鄉人先生以鄭商乘韋之情作殷民壺漿之迎白旄
一舉赤伏重新有口皆碑無肩不鐵儻亦奉爲牧馬者對之而
顏頰殃及池魚者聞之而色舞也今夫醫國是者見良相之謀

猷活人命者驗寶爻於福德先生爲大儒之裔出孝子之門臣
意是師少懷有志讀玉洞要訣識元砂之胎受金匱奇書飯丹
石之髓展啞科之聖手保赤子以誠心駐彩延華還年卻老以
昌美德誰曰不宜藪圃餘閒貨源生殖歐陽子不在乎酒范大
夫當鑄以金會開北海之尊壘遂作南州之冠冕解紛排患識
魯連左右之難酌古斟今同呂端糊塗之誚宜乎薰德者願瞻
太乙之長光揚仁者並譽雙丁之嗣起也長公子春午法官早
列鬢宮旋游宦海憑陰德以治獄燃夜燭以修書知治法務得
治人洵有爲亦能有守四公子秋樵醫士幼譽象賢長承鯉訓
別檢囊中之秘訣遂探海外之奇方姊妹花並事懸壺甯馨兒

新陽先生詩話
預誇肯構先生於此其將掀髯一笑顧諸君子而晉一巨觥乎
至於彩驗方瞳神凝圓魄鬚眉自古腰脚還輕看老子之婆娑
信是翁之矍鑠勇倩何妨拔劍割肉詠諧謫仙尤善摘毫登樓
塗抹亦屬神仙之遊戲足徵壽耆之康強茲當皇覽之初叨坐
賓筵之末奉觚棧以晉獻祝弧矢之長懸所願映葉流芳永衍
雲初於牀笏瓣香私祝附聯霞彩於屏風
民國辛酉小春之月穀旦同里姻世姪楊芑械拜撰

祠祭志

我宗祠春秋二祭由來已久繼繼承承莫敢或廢至祭器有常度祭品有常經而祭時儀注亦須一一規定俾後裔有所遵循焉列舉如左

祭器

爵三 鼎五 豆四 籩四 槃五 酒壺一 飯盂三
篚兩封 蓮點鍾三

祭品

鼎實 牛 羊 豕 雞 魚
豆實 海參 魚肚 貢干 髮菜

籩實 筍

春用韭
秋用菘

蓮

桂

槃實 糕

粽

橘子

甘蔗

荸薺

香燭全副

清酒一壺

蓮點三鍾
資盛三盂

錠帛一盤

執事

通贊一人

引贊一人

司香司爵司帛各一人

司祝一人

司嘏一人

儀注



通贊唱 執事各司所事 排班

引贊引 主祭孫及眾裔孫就位

通贊唱 迎神

引贊引 主祭孫詣香案前 正立 上香 一揖

復位 主祭孫及眾裔孫皆正立 跪 叩首 再叩

首 三叩首 興

通贊唱 行初獻禮

引贊引 主祭孫詣神位前 正立 獻帛 獻爵

獻羹 一揖 主祭孫詣香案前 正立

眾裔孫皆正立



通贊唱 司祝宣讀祝文

引贊引 主祭孫及衆裔孫皆一揖復位

通贊唱 行亞獻禮

引贊引 主祭孫詣神位前 正立 獻爵 進饌

一揖復位


通贊唱 行三獻禮

引贊引 主祭孫詣神位前 正立 獻爵 侑食

一揖復位

通贊唱 受嘏

引贊引 主祭孫詣香案前 正立 衆裔孫皆正立



通贊唱 司祝詣神位前 正立 一揖 宣讀嘏詞

引贊引 主祭孫及衆裔孫 一揖 復位

通贊唱 送神

引贊引 主祭孫及衆裔孫皆正立 跪 叩首 再叩首

三叩首 興

通贊唱 司祝者捧祝 司帛者捧帛 司香者捧香

同詣燎所

引贊引 主祭孫詣燎所視燎 復位

通贊唱 禮畢 退班

祝文式

維

中華民國 年

月

日

世孫

謹以清酌庶

羞之奠昭告於

列祖

列宗之靈曰伏以吾宗郡系沛國肇自陸終由徽仕閩由閩至
崑由崑徙嚠由嚠遷羅五百載德澤常留千萬禩綿延勿替
切水源木本之思懷春露秋霜之意薦其時食共伸追報之
忱率由舊章合盡蒸嘗之禮惟願

式臨如在


昭格永垂謹告

嘏詞式

嗚呼作善降祥修德獲報古人之言信而有徵惟我朱氏孝
義傳家詩書培澤綿綿延延子孫繁衍成爲羅陽巨族是皆
祖功

宗德之深厚有以致此凡爲裔孫聰聽懿訓願各守恆業勿悖
人道勿敗家聲念一本之族誼保百世之令名祇承禋祀用
展孝思

Vertical columns of text, likely bleed-through from the reverse side of the page. The text is extremely faint and illegible.



墓域志

嗚呼自始祖貽亭公遷羅以來滄桑屢變支派播遷歷五百餘
歲之久祭掃中斷墓域多迷欲訪無從引爲憾事如吾始祖貽
亭公二世諱棠公舊譜中但混稱合葬楊家橋而無都圖圩坵
可攷至三世諱瀚公並合葬混稱之語而無之均莫由確指其
處是爲裔孫之咎也四世以下釐然可攷其間少有中斷者以
俟續訪而攝影有圖者俱附於後其餘有葬處者則於世系實
錄中各載某縣某圖某號某坵某圩合葬某穴或非合葬者另
載之一覽了然庶無迷墓之闕憾至四世北橋公墓在寶邑雲
號四十六圖南向主穴墓有石碣惟昭穆無攷或謂始祖貽亭

公二世諱棠公三世諱瀚公均葬於此而主穴爲始祖而非四

世祖說雖近似而不敢臆斷姑闕之又五世懷萱公墓在嘉邑

黃號二十一圖果字圩南向主穴墓前立有石碣六世諱邦典

公昭六世士銘公穆六世士章公再昭六世士楨公再穆七世

蘊玉公三昭七世東阜公三穆凡七穴明堂內西首夾入一穴

不知何公無由稽考南出練祁又五世思萱公墓在寶邑洪號

五十六圖北水圩壬山丙向主穴墓前立有石碣六世士偉公

昭七世伯與公穆七世昆玉公再昭七世庭黃公再穆七世季

圭公三昭七世冰懷公三穆明堂內凡七穴明堂外東偏特穴

爲第八世與人公西偏特穴爲第八世欽旌孝子羽吉公墓前

有石碣并有大榆樹一顆墓後有銀杏樹十三株排立如塔大各數抱高逾十丈髮匪之亂被戕其二後補植之以符原數民國初年樹中無端起火焚傷一株又補植二株故現存十四株墓前植二柏甬道兩旁有旂杆二道光己亥第十四世文卿公領鄉薦後所立今存杆石一對北至練祁河東至吾宗老宅又九世誠士公墓在寶邑五十五圖南水圩南向主穴昭穴空十世光遠公穆十一世古拙公再昭十一世萬承公再穆墓有石碣凡四穴計地五畝九分九毫在鄒家宅之西其東近跳板橋又十世明遠公墓在嘉邑冬號三十四圖雨字圩南向主穴十一世漪溪公昭十一世遜文公穆十一世源垂公再昭十一世


鏡溪公再穆凡五穴墓前有石碣東距翼甫公墓十六丈北近邵家閣又十二世庚村公墓在嘉邑冬號三十五圖果字圩南向主穴十三世景南公昭十四世南生公穆十五世韻甫公再昭原定五穴因翼甫公另葬祇有四穴東偏特穴爲十六世勤士公東北距沈家宅四十五丈又十五世翼甫公墓在嘉邑冬號三十四圖雨字圩卯向兼甲五度主穴十六世蓮士公昭穴穆爲十六世 壽穴西距明遠公墓十六丈北距邵家閣四十一丈依此遞推則此後墓域永遠常存可操左券矣至若筠莊公墓莘田公墓以及吉雲公載甫公崧甫公等墓其墓地所在已於圖中說明之此不復載

寶邑洪號五十五圖

西至浜

韓坵三第至南

東至浜



沈坵六第至北


浜至南

沈坵十第至南

西至第十五坵韓

東至第十二坵朱

西至第七坵王



錢坵四十第至北

東至第八十一號


誠墓基

八

錢坵四十第至南


西至第十五坵韓

東至第十二坵朱




浜至北

浜至北



王 坵 三 第 至 南

東
至
涇




西
至
涇

金 坵 九 第 至 北

朱 坵 一 第 至 南

東
至
涇



西
至
第
五
坵
張




在第十六王坵姓田內

王 坵 七 第 至 北


王 坵 三 第 至 北

東
至
第
五
坵
張



西
至
涇

朱 坵 一 第 至 南



寶邑洪號五十五圖

西至二十九號

南至第八坵周

誠墓
祭田

九

東至翻爬溝

北至第十坵怡善堂

南至第十號

南至第五十四號

誠墓
祭田

西至第一坵朱

二

誠墓祭田

東至第三坵王

西至第十九號

東至第二坵王

一

北至第五十二號

北至浜




周坵九第至南

浜至南

西至第十坵朱


東至第四十四號



涇路萬至北

東至十五坵張

西至十三坵王




西


南西至第十七坵金

東至第十五坵黃

此田在洪號五十四圖內



路至北




寶邑洪號五十六圖

西至第十六坵朱

吳坵七十第至南

東至第八十七號



溝至北


號八十六第至南

西至第十六坵朱

崇本田

東至第二十坵陸

九




陸坵一十二第至北

路至南

西至第四十二號

崇本祭田

東至第二坵朱




溝至北

西至第十三坵周

明墓祭田

東至第十五坵周



浜至北



號七十四第至南


崇本祭田

西至第九坵龐

東至第十一坵朱

十

溝至南



西至第九十號

東至第三坵王

崇本祭田

二

北至第七十四號
南至第七十四號

崇本祭田

西至第九十號

東至第三坵潘

一

北至第八十八號
南至第二坵陸

崇本祭田


西至第四坵陸

東至第六坵陸

五

北至第二坵項

北至第四十二號



寶邑洪號五十六圖

西至浜

嚴坵一第至南

明墓
祭田



東至浜

嚴坵三第至南

嚴坵十第至南

西至路

崇本
祭田



東至浜

北至浜

劉坵二十第至南

明墓
祭田



北東路

西至浜

楊坵一第至南

崇本
祭田



西至浜

吳坵三第至北

東至第四十四號



項坵一第至南

朱坵二第至南

崇本
祭田

西至第三十三號

東至第六坵項

西北至浜

明墓
祭田

東至第十一坵朱

寶邑共總正十六圖

路至北

須坵一第至南

朱坵五第至南

西至浜

崇本
祭田

六

東至路

東至第四坵朱

明墓
祭田

西至第二坵朱

三

朱坵七第至北

朱坵六第至南

西至浜


崇本
祭田

七

東至路

朱坵二十第至北

黃坵八第至北



寶邑洪號五十六圖

號四十九第至南

路至南

西至池

東至第一百二十三號

西至第五坵朱

東至第一百二十一號

崇本
祭田

六

思萱
墓田

三

朱坵七第至北

北至練祁

南至第一坵須

西至浜

明墓
祭田

二

東至第三坵朱

西至第二十二坵朱

崇本
祭田

廿五

北至第一百一十二號

東至第二十六坵朱

北至第二十坵朱




號八十二百一第至南

東至第七坵周



西至第五坵朱
東至第二坵朱



西南至涇


號六十二百一第至北

朱坵十第至北

濱 至 南

濱 至 南


號七十二百一第至南



東至第五坵朱

西至第一坵須


朱坵一十第至北



東至第六坵須

西至第四坵朱


朱坵九第至北



東至第八坵徐


西至第六坵陳

祁練至北



南 至 浜


南 至 第 六 十 七 號




北 至 第 九 坵 王

北 至 市 河

南 至 第 一 坵 陸




朱坵四第至南




祁練至南



朱坵四第至南



此祠基在寶邑黃號二十圖



祭田細號表

嘉邑冬號三十四圖兩字圩朱受恆戶

一百〇八號一畝三厘三毫

一百六十六號四畝七分一厘六毫

一百〇九號九分四厘四毫

一百六十七號九畝四分四厘

一百三十號六分七厘

一百六十八號二畝四分三厘九毫

一百三十四號七分三厘四毫

一百六十九號三畝一分七厘八毫

一百五十七號四畝三分五厘九毫

一百八十五號一畝三分三厘二毫

一百六十一號二分四厘四毫

一百八十八號四分四毫

一百六十四號二畝三分一厘七毫

一百九十一號三分九厘五毫

一百六十五號二畝六分四厘

一百九十三號二分七厘四毫

一百九十四號一畝九分七厘七毫

二百〇八號二畝八厘二毫

一百九十五號二畝九分四厘四毫

二百十七號一畝九分一厘一毫

二百〇七號三畝一分五毫

一百八十八號四畝四毫

嘉邑黃號二十一圖雲字圩朱懷萱墓戶

一百八十五號一畝二分三厘二毫

一百二十一號一畝七厘五毫

一百五十一號一畝九分

一百四十九號二分

一百五十二號一畝五分

寶邑洪號五十四四圖結字圩朱誠墓戶

一百六十四號一畝四分


一百十六號六坵五分九厘五毫

一百六十六號四畝一分六厘六毫

寶邑洪號五十五圖南水字圩朱誠墓戶

十一號十四坵二畝一分六厘五毫

七十二號六坵二分八厘二毫



十八號一坵二畝九分五厘六毫

七十二號八坵一畝三分四厘二毫

四十三號十一坵九分一厘二毫

八十號八坵五畝九分七厘

四十五號九坵二畝三分八厘八毫

八十一號十三坵四分一厘一毫

五十三號二坵六分六厘六毫

八十一號十八坵一分

七十三號二坵一畝二分五毫

八十二號四坵四分三毫

寶邑洪號五十六圖北水西字圩朱明墓戶

五十五號十四坵四分四厘一毫

一百十九號四坵七分五厘

七十四號十九坵一畝四分九厘五毫

一百十九號五坵七分六厘三毫

九十一號二坵一畝八分八厘八毫

一百十九號十坵四分八厘五毫

九十四號十三坵一畝七分七厘七毫

一百十九號十一坵四分九厘七毫

一百十九號二坵六分六毫

一百十九號十二坵一畝一分二厘四毫

一百十九號三坵四分四厘六毫

寶邑洪號五十六圖北水東字圩朱崇本戶

三十九號五坵八分六厘八毫

六十三號十七坵五分一厘九毫

四十三號二坵六分五厘

寶邑洪號五十六圖北水西字圩朱崇本戶

三十一號七坵六分五厘一毫

九十五號十一坵一畝九分一厘九毫

四十三號一坵二厘四毫


一百二十二號一坵四分二厘七毫

七十四號二坵八分八厘四毫

一百二十二號六坵三分一厘八毫

八十八號一坵一畝七厘三毫

一百二十二號二十五坵一分五厘二毫



八十八號十坵九分九毫

一百二十六號七坵一畝六分一厘七毫

九十四號六坵一畝一分七厘四毫

一百二十七號六坵三畝四分九厘三毫

九十四號七坵一畝一分五厘一毫

寶邑洪號五十七圖北奈字圩朱崇本堂戶

二十七號八坵九分一厘六毫

六十八號十五坵五分二厘五毫

寶邑洪號五十六圖北水西字圩朱思萱戶

一百二十四號三坵十三畝八分三厘四毫

寶邑黃號二十號西重字圩朱孝子祠戶

一號八坵一畝九分四厘四毫

寶邑雲號四十六圖果字圩朱北橋墓戶

宗祠建築及修繕記

本支宗祠向在寶山縣羅店鎮洪號五十七號北奈圩北至練
祁市河占地五分二釐五毫孝子祠向在羅店鎮黃號二十圖
西重圩南至練祁市河占地一畝九分四釐四毫道光庚申髮
匪之亂盡成禾黍同治丙寅始於孝子坊舊址建築門埭三楹
權供兩祠長生位於其內春秋兩祭於是乎繼光緒辛巳又建
第二進享堂遷長生位於享堂而兩祠仍合祭焉至民國五年
續建第三進享堂並餘屋乃遷宗祠長生位於新建享堂孝子
神廚仍在第二進而春秋兩祭宗祠與孝子祠始分奠焉至兩
祠祭奠由合而分幾歷五十年經營至此適符苟合苟完之意

以上建築均由十五世詒烈詒福董其事工料等費約用銀三千餘金及十五年春十五世詒彬十六世世增接管見宗孝兩祠日形污穢同議修輯經二年之久而工始竣祠宇全部孝子坊全部統加修整下岸木駁統易石駁共費銀一千二百餘元壬申之春羅店又被倭寇盤據拋擲炸彈燬我宗祠兩廊及牆壁孝子坊前木柵完全無存並驚及神座修輯尤急及寇退卽鳩工修整竭兩月之力而工始竣共費銀四百餘元此前後修築之大概情形也爰爲之記

十六世世增謹記

捐助彙記

捐助賓興

道光十六年秋

丙

日淦

成源

文溥

惟瑩

文綬

文洵

文洪

昌杰

共計捐助錢壹千串

捐助同人學校

民國元年

詒烈

捐助叁拾伍元

詒彬

捐助伍拾元

世增

捐助壹百陸拾元

世庠

捐助壹百零伍元

共計捐助銀洋叁百伍拾元

捐助祠堂置產

詒烈

捐助伍拾元

詒偉

捐助伍拾元

詒福

捐助壹百元



詒彬

捐助伍拾元

詒盛

捐助伍拾元

世庠

捐助洋貳拾元

世祚

捐助洋拾元

世清

捐助洋拾元

共計捐助銀洋叁百肆拾元

捐助祠基

敬和堂

捐助地肆分

敦裕堂

捐助地柒分

共計捐助基地壹畝壹分

捐助祠中第三進泗門汀泥道第二進後牆

民國十四年

詒彬

獨力捐助洋壹百捌拾元


捐助祠中第三進方磚及鋪工

民國十四年

世瑤

獨力捐助洋

貳百元



捐助祠中器具什物 民國十八年

詒彬 捐助叁拾元 世增 捐助貳拾元 世璟 捐助拾元

世瑤 捐助拾元 世桐 捐助拾元

共計捐助銀洋捌拾元

捐助墓碣陸條並石工 民國十九年


詒彬 獨力捐助銀洋壹百元

捐助重刊孝子公戴天恨孝義贈言陰陽判 民國十九年

詒彬 捐助壹百元 世奎 捐助捌拾元 世瑤 捐助叁百元

世璟 捐助伍拾元 世桐 捐助伍拾元 世增 捐助貳拾元

敬和堂 捐助叁拾元 世賢 捐助拾元 世熊 捐助拾伍元



①

恭壽堂

捐助拾元

保

海

捐助伍拾元

保泰

捐助拾元

保蘇

捐助拾元

禮和堂

捐助伍元

共計捐助銀洋柒百肆拾元

捐助孝子公三百歲紀念徵詩刊資

民國十九年

世瑤

捐助壹百貳拾元

世桐

捐助貳拾元

世全

捐助貳拾元

世蒸

捐助伍元

保鴻

捐助拾元

共計捐助銀洋壹百柒拾五元

捐助誠士墓備建墓屋基地

民國二十三年

詒彬

獨力捐助

共計捐助田壹畝壹分壹厘五毫

在寶邑洪號五十五圖南
水圩七十九號第六坵



